



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiariam, ac loca quædam vicina

Hund, Wiguleus

Monachii, 1620

De Conuentu S. Francisci Monaci. Conu. I.

urn:nbn:de:hbz:466:1-13578

hostiam in lutum abiecerat; primum ibi ligneum Sacellum, Capella. Domini vocatum, erectum. Consecratur ab Alberto Episcopo, Anno 1255. Confirmatū ab illius Successore, Leone Episcopo. Post hæc cum Altmannus, Comes de Roteneck, Præpositus Ratisbonensis, & Archidiaconus, eandem Capellam duobus Sacerdotib, concessisset, vt diuinis officiis ibi vacarent, Ratisbonenes ciues ius patronatus ad se pertinere putarunt; tandem ita conuenit inter eos, vt ista Capella traderetur fratribus ord. S. Augustini Eremitarum, Anno 1269. quam hætenus tenent.

ALTERVM Monacense Ludouicus Imperator condidit, teste eodem Auentino, libro septimo, fol. 790. Reformatum per S. Pontificem Sixtum quartum ad instantiam Alberti Ducis, &c. executore Sixto, Episcopo Frisingensi, Anno Domini 1481. fratres ad obseruantiam astricti intra triduum omnes profugerunt, substituti sunt alij.

TERTIVM in Ramsau, vide sub litera R.

ADDITIONES.

De Conuentu S. Francisci Monaci.

Conu. I.

FACERVS satis Serenissimus pariter ac pientissimus *Bauaria Dux Ludouicus* Fr. Franci. e. Gonzaga. operu suo part. 3. Prævinc. Arg. 6. in. f. 74. 4. seq. *Rhenique* Comes Palatinus ei deuotioni ac pietati, qua in Seraphicum patre Franciscū, eiusq; sequaces ferebatur, hoc Monasterium *Monaci* quæ totius *Bauaria* metropolis est, non procul à proprio castro, ex domesticis facultatibus, à primis fundamentis ad vltimū vsq; lapidem sub anno à Christi natiuitate 1289. ædificari iussit, ac omnibus tandem suis numeris absolutum *Minoritis* fratribus, in perpetuum vsū, atque habitationem, collatum voluit. Cuius postmodum Monasterij Ecclesiam R. *Embo Frisingensis* Episcopus, Dominica prima post SS. Apostolorum *Philippi & Iacobi* festum, anno verò Domini 1294. præsentibus *Rudolpho & Ludouico Bauaria Ducibus*, totaque inspectante ciuitate, de religioso more benedixit, cōsecrauitque Ea; cōsecratione peracta, pontificalib. (vt erat) indut⁹ & pedes, præfatiq; *Bauaria Ducibus*, & ciuitate sesequentibus, ad *Eremitarum S. Augustini* cœnobium (anta erat hui⁹ præstantissimi Præsulis ad religiosos mendicantes deuotio, tantusq; animi affectus) perrexit, eiusq; cœmiterium maxima cum solemnitate benedixit. Cum aut, sub an. Dni 1327. die verò mensis Febr. 14. tertia *Monacensis* ciuitatis pars, cum præfato castro, & hoc nostro conuētu, vniuersaq; eius re familiari, ex quodā infortunio, arsisset, pauperū fratres per incertas Prouinciæ sedes diuagari coacti sunt, donec tandē pientissimus misericordiarū Deus eorum miseratus, verò catholicorū fratrumq; veterinorum, ac *Monacensiu* ciuiū, *Gabrielis* scilicet *Ridleri* ac *Vincentij Ridleri* animos ad alterius Conuentus ædificationem flexit. Hic siquidē Monasteriū omnino incineratum atq; in fauillam redactum, cōmunib. sumptibus, sub an. Dni 1380. à tanta ruina vindicādū omnibusq; necessariis instructū, fratribusq; ad propria reuocatis cōferendum, atq; demum eius Ecclesia pulcherrimis icōibus, & dominico sepulchro supra modum elegantissimo exornatam, à R. P. fratre *Alberto Solonensium* Episcopo ac professione Minorita, in sanctissima Trinitatis, B. *Mariae* virginis, SS. Apostolorū, ac beatorū *P. Francisci & Antonij Paduani* honorem, sub anno restitutę salutis 1385. consecrandā curarunt. Huic Ecclesiæ *Bonifacius* ex Pont. max. anno Domini 1401. Pontificatus verò sui 12. in eorum fidelium, qui eam confessi, & sacra Eucharistia refecti, in festo sancti *Petri ad Vincula*, & per tres dies sequen-

sequentes, deuote uisitaauerint, fauorem, eandem prorsus plenariam indulgentiam, Monasterio S. *Mariae de Angelis* prope *Affsum* (hanc de *Portiuncula* nuncupant) à secundis uesperis diei festi S. *Petri ad Vincula* usque ad diei sequentis solis occasum, à summis Pontificibus concessam, ex paterna pietate atque ad præfati *Gabrielis Ridlerij* instantiam imperitus est. Præfatorum uero fundatorum, alter *Gabriel* scilicet *Ridlerius* in omni euentu opportunè adfuit: alter uero *Vincentius* nempe *Ridlerius*, relicto sæculo, atque eius illecebris, pauperumque fratribus, sub Minoritico habitu adiunctus, Christum pauperem sequi uoluit. Sub cuius tandem vexillo adeo profecit, ut in præstantissimum religiosum, atque doctissimum tum Philosophiæ, tum quoque Theologiæ lectorem, ac tandem in *Bauaria* Custodem euaserit. Obiit mortem, atque in huius loci Ecclesia sepultus est tantus hic pater, sub anno Domini 1408, cui R. P. F. *Michael* à *Sesena* generalis olim totius nostri Ordinis Minister & R. P. F. *Albertus Solonenfis* Episcopus, & Monialium Princeps frater *Guilielmus Ocham* Franciscanus & doctissimus pater frater *Bonagrata* à *Pergamo* V. I. D. & P. F. *Gasparus Scatzergerus* Custos *Bauariæ* & Guardianus *Monacensis*, qui multis editis operibus accerrimè hæresim *Lutheranam*, sub primis eius initiis, impugnavit, diemque extremum, clausit, anno domini 1527. distinctis tamen in sepulchris hærent. Eadem in Ecclesia, honestissimo tamen loco, corpus beati patris *Marquardi de Meismaler*, qui post diuinam grauissimamque infirmitatem, cum sanctissimè obiisset, & cæcum illuminauit, & contractum hominem pristinae rectificationi restituit, ac plurimis aliis miraculis claruit, reconditum est. Pertinuit denique hic conuentus, à secunda sui erectione ad annum usque domini 1480. ad Conuentuales *Franciscanos* patres: sed us ex præfati summi Pontificis, ad pietissimi tamen *Bauariæ* Ducis, atque *Federici* Germanorum Imperatoris generi instantiam, alio translatis, ad huius Prouinciæ *Obseruantes* deflexit. Cuius incolæ quadragenarium numerum attingunt.

De Minoritico conuentu *Ingolstadiensis*.

Conu. II.

INGOLSTADIVM præstantissima *Bauariæ* ciuitas, iuxta *Danubium* flumen sita, atque florentissima Academia illustris, statim à Franciscanæ Religionis exordio, solerti pietissimorumum *Ludouici* & *Anne* à *Polonia* eius coniugis *Bauariæ* Ducum opera, Minoritas amplexata est. Hi namque heroes, de R. *Hildeprandi Aichstadiani* Episcopi (cuius eam partes erant) consensu, Minoriticum Monasterium, non longè à præfata ciuitatis moenibus, anno 1245. cõstrui curarunt, tanti interim operis executorem constituentès per deuotum *Vibrordum Rorbachium Ingolstadiensium* Iudicem, atque Præfectum, qui infra breuissimi temporis spacium magnificè satis absolui fecit fratribusque tradidit. Subiacuit tamen huiusmodi conuentus ad annum usque Domini 1466. Conuentualibus patribus: sed iis præstantissimi Principis atque *Bauariæ* Ducis *Ludouici* opera aliò translatis, ad fratres huius Prouinciæ *Obseruantes* declinauit. Inhabatur à cætero hic Conuentus à 30. religiosi quorum maior pars diuinis atque humanis literis sedulè nauat operam, publicasque *Ingolstadienses* scholas uel lectiones auditura, uel de propositis thesibus disputatura, frequentat: in super & Reuerendissimi patris fratris *Gulielmi Berto* generalis *Vltramontanæ* familie Vicarij, qui, anno Domini 1481. iniuncti uero muneris 3. maximum sui desiderium (erat enim bonus pater) omnibus relinquens, ex hac uita migravit, funere honestatur.

DeMi-